

續安陽縣志

卷首至卷二

續安陽縣志序

民國二十二年一月余奉命督察河南省第三區行政建署安陽兼攝縣篆時續修縣志方成館長李伯安先生以志稿進且致言曰吾安陽縣志自前清嘉慶二十四年重修距今百十餘歲其間政體鼎革社會嬗更與夫地理人文經濟交通之變遷亦至夥頤不有紀述何以明盛衰之事跡與進化之歷程借鑑於已往而傳示於來茲乎同人秉筆纂修歷十數寒暑幾經易稿又以時局机隕災害頻仍屢輟屢作今幸殺青有期敢乞縣公一言爲序余曰諾固所願也昔漢高入秦蕭何首收三輔圖籍良以政治軍事之設施端資成案爲依據而後因革損益之方始能適合機宜以成厥功安陽故彰德府之首邑也面積九千餘方里人口六十餘萬

衆漳水外環洹河中貫左行右衛如屏若帶東北田疇坦蕩西南
岡阜雲連路軌交通鑛產孕蓄廬舍相望鷄犬相聞庶矣富哉雖
然地理重要之區每爲用兵所必爭其受害亦最烈加以水旱不
時萑苻未靖今也民多失業家鮮蓋藏生聚教訓烏容稍緩昔鄭
渾之守魏郡課民樹木財足用饒李訢之刺相州立學授經士風
丕振策也不敏非曰能之願學焉已今幸得續修縣志蒐討舊聞
兼詳時制爲因革損益之參考其有裨於致治當屬非尠矣因喜
爲之序以歸之

中華民國二十二年四月

浙江黃巖方 策撰

續安陽縣志序

民國九年秋邑先達鳴岐張公重縮豫符檄各縣修輯志乘時幼僑任省署教育科科長實主管其事而安陽修志館卽於次歲成立駒光如駛忽忽已十餘載今夏館長李伯安編輯張偉慈兩先生携修稿詣汴囑讀幼僑以時代之遞新則分類宜有增減重修雜糅今古易掩前美似續修便專員方定中省通志館編輯張中甫鍵是說遂決議重印貴志而以新輯之稿作續修之藍本年代相接脈絡仍求連貫幼僑不材躬自鑒定復延汜水張躋青先生相助旅汴同鄉如劉劍華霍桀庭張了且榮典岑孫隆吉朱歷源劉子謙及余弟獻庭分任整理之責昕夕討研閱月餘之久什之七八粗就端倪適拜命督察河南第六區行政匆匆就道餘稿由

李張兩先生完成蓋一書之問世若是其難也夫志者義兼史地一區域之縱的記載橫的觀察必燦然而明備秩然而正確夫然後倫類舉典制張昭山川文物之繁美攷政治風俗之污隆紀人羣進化賢材輩出之由來俾蒞臨斯土者資以因革損益而後之緬仰先徽者鼓舞警惕爭相磨耀於至善之途則取材論世宜無誣妄闕漏之嫌力守嚴雅簡賅之要方爲修志者之所有事是志成於羣彥而裁訂於一二人之手其搜訪所得暨秉筆者之才識學較諸古作者如何心焉向之實難自信雖經刊印欲其完美無疵實又難之難者也懼年世之日遠恐文獻之無徵集所聞見綴實存真竟張公鳴岐之志以待來者之攷鏡斯邑人續志之意歟

中華民國二十二年七月

王幼僑序於南陽

續安陽縣志序

貴志刊行於清嘉慶二十四年自是之後百一十六載至今日始有茲志之續刊先是民十冬季上憲通令河南各縣重修縣志安陽曾聘謝紳鍾毓開始籌辦經費由公款局領支一切採訪錄舊編纂購板等事兼營並進款雖拮据勞勩頗著嗣以戰事發生遂爲中輟局所地址軍人佔用稿件板塊散佚銷燬多數成績大半烏有後趙紳伯涵翟紳吉庵裴紳晉卿先後接任局長積極籌畫用期觀成祇以經濟困難進行不易且數年之間戰禍頻仍匪亂猖獗縣志未能觀成者職此之由民國二十年春韋縣長品方履新百廢俱舉士紳僉以縣志不修影響全縣文化綦重旋提交縣政會議鄭重討論當經官紳一致通過卽時籌備依次進行

稭以

菲材亦參其列協同規定採訪編輯修正三期計期程工旋於二十一年九月脫稿又與張君慶雲再四商確以所編各項事實或與科學進化容有未符復邀教育界諸君充量補輯力求完備補輯告成公開審查請求各界鴻博多方指正藉免愆尤公開歲事仍未釋然復偕張君偉慈赴汴就正幼僑廳長並懇梁苑諸耆宿詳加審定蓋成書若斯之難也今付梓有期爰將茲事原委略爲叙述非謬詡心力之瘁也聊以見問世之匪易云爾抑猶有進者實齋章氏論修志四要曰嚴曰雅曰簡曰賅夫識不高無以昭筆削之正學不優奚以著琬琰之章且天材薄劣翰墨粗疏於紀事論人而欲出以言簡意賅蓋亦戛戛乎其難矣然以弇陋之故甘心放任則老成典型之名宿多已相繼凋殂其偶有存在者又復

龍鍾頽唐率以自顧不暇遜謝此百餘年之國勢安危民生休戚
吏治優劣人才興廢文教隆替物產榮枯不將與時俱盡歟况紳
衿耆舊本已寥若晨星徵文考獻再不及時策勵後有作者恐以
世遠年湮人往風微益將有感於擣舌束手之難矣然則續志之
刊顧可例以弁髦乎

中華民國二十二年八月

李國禔謹撰

續安陽縣志

凡例

一、安陽縣志自清康熙三十一年馬令國楨創修乾隆三年陳令錫輅重修五十二年陰令珪續修嘉慶四年趙令希璜二十四年貴令泰兩次重修迄今百有餘年舊板均無存者祇有陳貴兩志印本尙可考證民國建設百度維新自應繼續採輯以昭來茲

一、貴志承襲趙志楷模具存應仍舊貫照原本刊印不沒前美自清嘉慶二十四年至今所有訪得事蹟爰仿河南續通志及濟源武陟等縣續志之例裒輯成編俾使銜接名曰續安陽縣志

一、續修體例因時代關係與貴志分類間有不同而紀事力求聯貫與貴志併爲一帙

一、測繪之術今精於古續志總分各圖一律按新法測繪較前似覺詳確

一、記載事務間附表圖俾便檢閱

一、貴志選舉表列科第進士官階最詳續志除將科舉時代進士舉貢服官職位採入外專門學校以上畢業暨國會省縣各議員及考取職官推選區長會長各項出身亦復分別記列以符鄉舉里選之意

一、貴志缺大事記一門，於歷代興革變遷，無從考證，續志依照部頒修志概要，特行增列。
一、貴志對於地理，僅列沿革、疆域、山川、渠田等目，按之近代，似嫌簡略，續志增列土壤、物產、氣候，並將渠田、易名、水利。

一、民政、交通、實業、社會、宗教各門，貴志闕如，續志分別增列，藉符現代政化實況。
一、在昔賦徭輕簡，學制疏濶，貴志僅列田賦、學校、典祀、衡以現代教育制度及縣財政情形，未能賅括，續志易名、財政志、教育志、分項列舉，以期明備。

一、貴志對於古蹟記載頗詳，續志僅就採訪所及，補其缺陋，間附名人題詠。

一、貴志記載人物，係以朝代，不分門類，續志分爲九目，搜採較廣，俾便省閱，而資觀感。

一、貴志仿舊史、藝文志，按經史子集，依次排列，當此科學進步時代，似未能包羅無遺，續志自清嘉慶二十四年起，刊印時止，凡邑人新舊著作，不分已刻未刻，就採訪所及，盡數編列，率皆存其篇目，暫不分類。

一、安陽金石錄十二卷，爲武虛谷先生傑作，原係別本附刊，續志將搜訪所得，仿虛谷之例，影印存真，名爲續安陽金石錄。

一、甲骨文字，最近發現，續志仿金石錄前例，別本附刊，次於續金石錄後。

一、我國向無明確統計，縣府卷宗，經地方變亂，亦多散佚，蒐輯徵求，每至束手，掛漏舛誤，勢所難免，且值新舊過渡時代，同人等聞見有限，慮文獻之無徵，搜討往事，愧學殖之不廣，貽笑方家，博雅君子，幸教正之。

續修姓氏

總裁

河南第三區行政督察專員兼安陽縣縣長 方 策

總纂

河南第六區行政督察專員兼南陽縣縣長 王幼僑

參閱

前河南政務廳廳長舉人 張登雲

河南通志館纂修舉人 張嘉謀

河南第三區行政督察專員公署秘書長 張 瞻

館長

前安陽公款局局長拔貢 李國禔

總務

前安陽整理田賦委員會主任 張慶雲

纂修

古物保存委員會主任優廩生 裴希度
前河南省政府秘書舉人 李學鈞
國立中央研究院歷史語言研究所 董作賓
編輯

河南優級師範學校畢業優廩生 許丙煒

前第三區區長副 貢 李建勳

前十區公所所長副 貢 劉長伸

前河南新安縣縣長拔 貢 趙琦

前五區區長庠 生 王銘盤

前自治籌備處籌備員庠 生 扈子宜

前十區區長廩 生 王士瑛

前河南河陰縣縣長舉 人 孟永昌

庠 生 張渭川

附 貢 張濬川

邑

張守經

邑

王王金相

前河南林務監督庠

王王大經

河南省立安陽初級中學校校長

張天驥

前河南賑務處處長附

劉龍光

前地方公款清理處委員

陳景濬

教育局學校教育課主任

張從虞

河南尉氏縣縣長

董旭初

河南省立第一師範學校畢業

高其壽

前安陽縣黨部執行委員

韓冰如

河南教育款產處第二科科长

榮典臣

天津大公報駐汴記

張了且

前自治籌備處籌備員

王靖波

北京工業專門學校畢業

霍桀庭

河南師範學校畢業附生 李金章

北京國立工業大學畢業 孫國棟

河南南民政廳科長 王貽琛

河南省立第一高級中學校教員 朱歷源

南京中央大學畢業 劉子謙

勦辦

河南第三區行政督察專員公署第三科科长 吳士龍

財務委員會委員 任葆宸

農會一幹事長 史作民

教育局局長 韋向和

商會主席 孟昭勳

第一區區長 劉學瀛

第二區區長 和友輔

第三區區長 趙清渠

河南 法政 學校 畢業 劉景紹	北京 法政 學校 畢業 姚子霆	第六區 村政 指導 員 竇協詩	北京譯學館畢業前外務部七品小京官庠生 李庭蘭	河南省立第十一中學校畢業 郝升堂	彰德中學校畢業 張濟材	邑人 崔鳳翽	河南優級師範學校畢業 胡廷式	師範傳習所畢業 郭蔭芝	北京模範團畢業 楊煥文	前甘肅平羅縣縣長 李陞平	前第二區區長 魏錫三	前農會會長 孫佩堂	附貢 姚北溟
-----------------------------	-----------------------------	-----------------------------	---------------------------	---------------------	----------------	-----------	-------------------	----------------	----------------	-----------------	---------------	--------------	-----------